

Nyhetsbrev 2023 12

September 2023

Du kan frå nå søkje RMP-tilskot for dei miljøtiltaka du har gjort i 2023.

Dette skrivet omhandlar endringer i programmet og annan viktig informasjon om Regionalt Miljøprogram.

Viktige datoer

- **Søknadsfrist 15. oktober**
- **Du kan endre ein allereie levert søknad fram til 29. oktober**
- **For seint leverte søknadar blir trekt kr. 1.000 per dag etter 15. oktober**
- **Søknader levert etter 29. oktober vil bli avvist**
- **Tilskotet vert utbetalt 14. mars**

Nytt i 2023 samanlikna med 2022

- Innført maksimumsgrense på 6 tonn husdyrgjødsel per spreining for tilskot til nedlegging og nedfelling av husdyrgjødsel
- Endra avstand mellom vassdrag og gjødslingsfri kantsone. Den kan ikkje vere meir enn 8 m. Tidligere var det 20 m
- Tilskot til fleirårig grasdekke i dråg på areal med korn, poteter og grønnsaker.
- Tilskot til skjøtsel av all myr som grenser til fulldyrka/overflatedyrka areal eller til innmarksbeite godkjend som spreieareal for husdyrgjødsel
- Innført tilskot til brenning av kystlynghei
- Endra krav om beitetid i kystlynghei til 10 veker
- Fjerna minimumskrav til 15 dekar automatisk freda kulturminne
- Same tilskotssats for alle turstiar uavhengig av avstand frå tettstad
- Fjerna minimumskrav til 15 dekar innmarksbeite for tilskot til skjøtsel av bratt areal
- Innført tilskot til fangvekst som underkultur
- Innført tilskot til bruk av biokol

Les meir om [retteiing til søknad](#), [vilkåra for miljøtilskot frå regionalt miljøprogram](#) og [samle side om RMP](#) hjå Statsforvaltaren.

Nedlegging av husdyrgjødsel

Brukar du spreieutstyr som legg husdyrgjødsel rett ned på bakken kan du søkje tilskot til nedlegging. Arealet du søker tilskot til må vere fulldyrka eller overflatedyrka.

- 10. august er siste dato for spreining på arealet du søker tilskot til.
- **Du kan maks køyre på 6 tonn (inkludert vatn) per spreining.**
- Arealet skal haustast eller beitast etter siste spreining.

- Det skal nyttast utstyr for nedfelling eller nedlegging ved all bruk av husdyrgjødsel på arealet du søker tilskot til.

Førebels sats: 80 kr per dekar

Spreiing av husdyrgjødsel med tilføringslange

Tilskot til spreiiing av husdyrgjødsel med tilføringslange blir berre gitt som eit ekstra tilskot på areal som kvalifiserer for tilskot etter nedfelling og nedlegging av husdyrgjødsel. Som slangeutstyr reknast utstyr for uttransport der gjødsla blir ført ut på arealet gjennom slanger eller rør direkte til utstyr for nedfelling/nedlegging.

Førebels sats: 50 kr per dekar

Grasdekt kantsone i åker

Har du ei fleirårig grassone mot vassdrag på teigar med korn, potet og grønsaker kan du få tilskot til grasdekt sone i åker. Sona skal vere minst 8 meter brei kor minst 6 meter skal vere på fulldyrka.

Graset skal ikkje gjødslast eller sprøytast og skal skjøttast.

Nytt i 2023 er at avstanden mellom vassdrag og starten på grassona kan ikkje vere meir enn 8 meter.

Førebels sats: 30 kr per meter i korn og 50 kr per meter i potet/grønsaker

Kantsone i eng

Kantsone er fulldyrka eller overflatedyrka areal mot vassdrag som ikkje vert gjødsla eller sprøyta. Sona må vere minst 4 meter brei og minst 50 meter lang for å kunne søkja.

Nytt i 2023 er at avstanden mellom vassdrag og starten på kantsona kan ikkje vere meir enn 8 meter.

Førebels sats: 20 kr per meter i prioriterte område (Jæren og Haugaland vannområde) 9 kr per meter i andre område



Skjøtsel av biologisk verdifulle areal – myr ved jordbruksareal

Nytt i 2023 er at tilskott for skjøtsel (beiting) av biologisk verdifulle areal er avgrensa til å gjelde myr. Har du ei myr (definert av AR5) som ligg inntil fulldyrka eller

overflatedyrka mark, eller innmarksbeite som er godkjend som spreieareal for husdyrgjødsel, kan du søkje tilskotet. På www.temakart-rogaland.no/rmp ser du kva område som kvalifiserer for tilskot.

- Myra skal vere fri for inngrep som grøfter eller kanalar
- Oppslag av busker og tre skal haldast nede
- Unngå beiting som fører til for mykje opptrakking
- Ingen bruk av kjemiske plantevernmidlar, mineralgjødsel eller husdyrgjødsel

Førebels sats: 300 kr per dekar. Tilskotstak er 50 000 kr/føretak

Skjøtsel av trua naturtypar

Har du område som er definert som naturbeitemark eller hagemark i Naturbase (Miljødirektoratet sitt kartsystem for natur i Noreg) kan du søkje tilskot. Du må også ha følgd følgjande skjøtelsråd:

- Arealet skal ikkje vere gjødsla, jordarbeida eller sprøyta med plantevernmidlar.
- Reguler beitetrykket slik at områda ikkje blir for hardt beita.
- Teikn på for hardt beitetrykk er beiteskader på tre, tråkkskader, snaubeita område med berre gras.
- Teikn på rett skjøtsel er eit urterikt beite med innslag av beitemarksopp.

Førebels sats: 300 kr per dekar. Maks 50 000 kr/føretak

Brenning av kystlynghei

Har du i 2023 brent kystlynghei som kvalifiserer for tilskot etter beiting av kystlynghei kan du søkje tilskot. Brenninga skal ha vore utført etter følgjande råd:

- Brannvesenet skal alltid varslast i forkant av brenninga, og det skal føreligge ein brannplan
- Det skal vere tilstrekkeleg med folk til å gjennomføre brenninga
- Ta omsyn til omgjevnaden, til døme hekkande fugl. Brenning i område med havørn og hubro skal avklarast med Statsforvaltaren

Førebels sats: 400 kr per dekar. Maks tilskot per føretak er 60 000 kr

Fangvekstar som underkultur

Dersom du samen med korn, oljevekstar, belgvekstar, mais eller radkulturar sår fangvekst kan du søkje miljøtilskot.

- Fangveksten skal ikkje vere hovudvekst året etter.
- Arealet skal ikkje gjødslast eller sprøytast med plantevernmidlar på hausten.
- Fangveksten må få ligge til 15. februar året etter før den blir jordarbeidd.

Førebels sats: 300 kr per dekar

Spreiing av biokol

Du kan søkje tilskot til spreiiing av biokol. Biokolet skal moldast ned etter spreiiing.

- Innkjøpt biokol skal oppfylle dei europeisk kvalitetskrava for European Biochar Certificate (EBC)
- Eigenprodusert biokol må lagast av reint skogvirke eller av plantemateriale frå garden Tilskotet blir gitt for maksimalt 1000 kg spreidd biokol per føretak berekna ut frå biokol med minimum 75 prosent tørrstoffinnhald. Dersom biokolet har lågare tørrstoffinnhald skal det korrigerast for dette i søknaden.

Førebels sats: 15 kr per kg